

dreißigsten jar wirt er von einer person gelt haben, zu beschirmen die wittwen vnd weysen, an dem mittwoch soll er sein haupt nit waschen.

Welche tochter in dem Hornung geboren wirt, die ist süßser gnaden, vnd wolgefellig, eins hitzigen gemüts, vnd wirt zankfleffern, vnd kriegsam, vnd wirt auch leiden eingbrünstigkeit von ihrem gemüt, den ersten mann behaltet sie nit, böserer wirt jhr, schaden wirt sie leiden, sie verferet jhren mann, vnd nimbt einen andern frembden, sie wirt gar hinderlistig, in dem neünten jar wirt sie leiden schmerzen in dem magen, in dem XLIII. jar kempfft sie mit dem todt vnd mit dem leben, in der rechten handt hatt sie ein zeichen oder an dem rechten fuß, von feur oder von einem thier wirt sie verletz, vnd lebt LXXXVII jar, am Sambstag soll sie jhr haupt nicht waschen, jhr glück sicht sie wachsen.

